



# QUÆSTIO MEDICA,

QUODLIBETARIIS DISPUTATIONIBUS  
manè discutienda in Scholis Medicorum, die Jovis  
decimo-sexto Novembris.

M. RAYMUNDO FINOT, Doctore  
Medico, Præsidente.

*An quò fluxilior Sanguis eò sanitas firmior?*

## I.

**Q**UANTUM conferat ad vitæ modulum Sanguinis ratio, satis intelliget qui ritè norit indolem illius lætis æmulam, cogi facilem, molem præterea & velocitatem; molem requiris? librarum circiter viginti, per cor interim ferè tredecies singulis horis evolvendam; norit imprimis vasorum quæ præterfluit copiam & exilitatem; copiam quid dico; an non? totum corpus vasorum strues est, ut etiam vasa sint quæ ossium specie oculos feriunt. Aperte poros & foramina: conspiratio quidem una; confluxus unus, *συνεστα πύλα*, ast per tubulos & canales. Fidem superat exiguitas vasorum quæ præterlabitur, defunt oculis microscopia; Capillos dicis; imò nec centesimam capilli unius partem æquantia, ut si contuleris fluvios dicas quæ nudus oculus assequi potest. Palàm est non alitèr enasci Morbos, quàm perturbato, impedito, cessanteve quadamtenus eo motu cujus perennitate stat vita, sanitas viget. Motus hic circuitus est, nondum satis, nec satis unquam intellectus, verè motus princeps, à quo succi omnes motus sui modulum, mensuram, determinationem accipiunt. Ludunt qui ad solvenda Secretionum ænigmata cribrorum copias adhibent & incernicula, oscillationes, configurationum ludibria: ridendi imprimis qui fermentorum

agmina ceu furtivos genios instruunt. Localis motus satis est, qui si vegetus & æquabilis, unicus est, functionum omnium auctor & conservator. Motus intestinus non tam motus quam nifus ad motum, quid enim potest unius ratio ad mille? si quid ergò motus intestini est, illud totum à morbo est, quantumque vi morbi de motu principe decedit, tantum accedit intestino: serie reciproca ita conjuncti, ut si integer ille, nullus hic; auctior, quò ille tardior. Hæc geminâ lance pendet sanitas, ingruunt morbi, sanitas perennis, si perennis motus; perennitatem facit sanguinis indoles, si tenuis, si fluxilis, si per angustias meabilis: tenuitas sanguinis à coctionis integritate: coctio succorum est per tritoram solutio ab ore ad habitum non interrupta: integram faciunt Ventriculi commolentis motus reciprocus, Cordis impulsio, Pulmonum nifus, Arteriarum compressio: Pulmo viscus sanguisorbium, nec illepidè chyliorbium dixeris: reverà præcipuum subigendi terendique chyli instrumentum alternomotu, aëris allapsu, allapsu non permixtione, gravitate & vi elasticâ non adscititii salis virtute. Sic attriti subacti, que succi solutâ cohæsione ad eum tenuitatis gradum veniunt, ut osculis secretoriis minores, cum non possint universi per vias conveyi patientiores, nullo mutua configurationis aut fermenti subsidio facilè cogi possint in ea loca in quæ resistantia minor faciliorem aditum parat: nec prius cessat vivificus ille trituræ motus & secretionis, quam apertis cutis spiramentis extrâ circuitûs aream propulsi succi tenues in auras abeant. Hinc ut à coctione læsa læsa transpiratio, sic nutritium est quod transpirat non excrementitium, Hinc denique mutua illa respirationis & transpirationis æqua proportio. Palàm est perspirationis opus non tam ad cutem quam ad ipsos vitæ fontes pertinere, inchoatum in præcordiis, absolute in planitie, ut plerumque minus transpirent qui magis sudant.

#### I I.

**T**RIA ergò sunt ferè coæva quæ sese mutuò excipientia vitam faciunt & tuentur, succorum perennis circuitus, trituræ jugis, nec interrupta secretio: alterum si defecerit, corrumpit reliqua. Secretione imprimis sanitas constat, adeò plura sunt quæ jugiter secerni debent, non excrementa solùm, sed utilia apprimè, serum, lympa, bilis, succus nutritius &c. Quid enim aliud Nutritio est quam secretio? in secretionis ergò læsione quærenda est Morborum multò pars maxima: hanc lædunt penè innumera,

nil magis quàm sanguis spissior igneâ vi prægnans, spissior continuâ chyli affusione, hic si pinguior & exuberans partium implicatione crassescit, bile turgidulus inastuat, & igne concepto torretur ad corneam usque mollitiem: si macer & asperior, liquefcit in serum & mucilagines in cohesionem pronas. Si dubitas, fidem adstruet detractus sanguis æmulâ glutinis & gelatinæ crustâ ferè semper obductus, adstruent ea quibus alimur, si legumina, si cerealia, gummosam promunt viscosamque substantiam; si animalia, gelatinam, utramque cogi facilem, promptam acescere. Ignea vis à spiritu acido: quemadmodum enim sanguis, serum sanguinis, vitellus ovi & albumen ipsum affuso vini spiritu concrefcunt in offam, ita spiritus ille acidus auræ instar latenter serpens sui perfusione sanguinem stringit, lympham exasperat, bilem acuit primum, invertit sensum, enecat tandem, & si fixior cogit ad calculos usque: sic perit nativum illud volatile oleosum quo ceu vitali rore conditi succi faciliè solubiles rarefcunt, calent, fluxiliores evasuri; quæ vulgò mala bili adscribuntur bili non competunt, quin imò bilis penuriâ nulla frequentior Mortis causa: reverà Acidus ille concretionum artifex spiritus, & inde nata chyli cum sanguine vitiata proportio, una est & communis Morborum omnium atque adeò febrium causa. Hinc amara ferè omnia febri-fuga, & de Alkalium gente quæcunque in Morbis specifica audiunt. Errant qui ad explicanda febrium phænomena multiplices inducunt causas, in febribus quidem vulgaribus Acidum exuberans, in Malignis seri luxurie delusi deliquium sanguinis ab Alkali acerrimo. Speciosius impingunt qui malè intellectâ viscerum colluvie, febrium intermittentium causas extrâ sanguinis orbitam quærunt in primis viis. Sanguis ut liquorum omnium, sic febrium omnium scaturigo. Hæc tota quam ais febrium cohors in radice Morbus unus, natura est uniusmodi, nec Morbum unum modis pluribus, sed uno modo plures febres gigni par est: varietatem facit partis affectæ conditio, sanguinis modus, bilis affectæ ratio, Acidi spiritus indoles pro ut imprimis fixior hic aut volatilior; quò volatilor eò nocentior malitiæ febrium auctor, ut potè spiritibus faciliè sociabilis: hæc veneni perniciæ pressus utcunque sanguis lentè mobilis tardiùs fluit, succorum tenax, secretioni impar impingit in angustias viscerum; hæret in habitu, auctoque inter moras intestino motu incalefcit, ignemque spongiosâ sui

densitate admissum latè spargit ; hinc ardoris sensus & tumultuatio febrilis, eò major quò tardior progressus. Sanguinis moribus Pulsus responder ; pacatus hic si fluxilis illè , incitator quò ille contumacior , & quemadmodum sanguinis crasis non tam à propriâ temperiè quàm ab æquabili circuito pendet , ita febris non tam à sanguine quàm ab organis vitalibus naturâ laborante plurimum incitâtis & valido nisu sanguinem circumpellentibus oriri videtur.

### III.

**I**GNEAM vim dixeris , an spiritum acidum idem dixeris ; hinc nulli citrà summum ardorem magni Morbi vel obvium & urentem , vel arcanum & angentem ut in Malignis. Unde succrescat nocentissimus succus si inquisieris , non aliâ intus ratione gigni comperies quàm dùm ruptis involucris, fractoque molliorum consortio liber sit & sui juris, tunc dentes exerit , spargitque non mitigatum virus , nec tam movendo vacuandoque inhiberi proventus potest , quàm sorbendo alterandoque. Alterantium dignitas maxima , eo nomine quod ad universalium apicem ferè attingant. An quia Calidum innatum augent vitæ fomitem & pabulum ? Sed calidum innatum nullum est à sanguine diversum ; is calorem omnem unus promit , nativum si bellè constitutus , peregrinum si malè. An quia spirituum furores , motus inordinatos & explosiones ceu furentes equos compescunt ? Sed commenta hæc tanquàm in somnio , iis relinquenda qui circuitus vim aut non capiunt aut contemnunt ; sicut enim cogente corde sanguis suos per tramites ingredi potest regredi non potest , ita cogente sanguine Nervorum Lympha quam Spiritum vocas nusquam retrograda circulum suum impleat necesse est. An potiùs quod compressâ igneâ vi , laxatis fibris , solutoque succorum nexu sanguini fluxilitatem conciliant vasorum impervia subire facilem & secretionibus parem ? Ita est , hoc enim præstare Morborum omnium radices excindere est. Alterantium ut dignitas , sic messis ingens : interim haud æqua virtus penuriam utcunque facit , Hysterica , Pleuritica , Hepatica , &c. adeò sua cuique Morbo , sua cuique ferè parti tutela est. Cave tamen credulus existimes ita partium propria ut iis velut affixa hæreant in solatium partis , quin potiùs ita sanguinem movere ut quam contraxit ad has vel illas glandulas afficiendas aptitudinem tollant , delegant. Hæc inter eminent Amara , Chalybeata ,

5

Anodyna, Febri fuga Imprimis, quæ dum eâ quâ pollent partium tenuitate & substantiæ modo Sanguinis & Chyli vitia corrigunt, cum fomite flammam rapiunt. Nec te moveat omiſſa plerumque prævia ſolemnis evacuatio. Oenopolas conſule? An credis vinum effuſuros quia vitium capit? quin potiùs vinum aceſcens injectâ cretâ emendant, generoſi cujuſdam vini face acuunt, renovant; ſic tu Bilem ſupple, duo illa primaria Corporis fluida Sanguinem & Chylum dilue, reſera, Sanitas reviviſcet. Tibi ſit teſtis *ἱεὲς πίπες*, Cortex ſalutifer Medicinæ vires & magna potentia ſolus, plus opis quatriduò allaturus, quàm ſolido menſe vulgarium Medicaminum etiam evacuantium eruditus ordo. Te tangit febris hæc alba & tintus violâ pallor, mortua ambulat, chalybem adhibe, brevi redibit qui te urat nitor & vultus nimium lubricus aſpici. Taceo Metallica fixa, arcana majora quibus ceu Hercules clavâ edomita narrant Morborum monſtra. Quid ruruſus? Adhuc te terrent *τὰ ἐγκυτλιμπα- νόμυνα*. Hippocratis qualiſi recidivas mox factura. Fax illa febrilis cujus adeò times reliquias Acidum eſt & ſuccorum co hæſio, nodum ſolve, cuneos dabit iteratus cortex, facili alueo fluet Sanguis, ſequetur Secretio, ſecura Morbi vindex & Sanitatis aſſertrix.

#### I V.

**Q**UID ergò ſi ea ſit in ſervandâ ſanguinis fluxilitate Alterantium vis & poteſtas? Quem locum habeant majora Medicinæ præſidia? Hæres in vetuſtate litteræ? rem ipſam attende, maximum ea locum habere comperies. An neſcis liquores omnes, atque adeò Sanguinem ipſum motu duntaxat ad ſui depurationem venire? Si tamen liber ille & æquabilis motus, liberum facit & æquabilem venæſectio quæ dum Sanguinem accelerat co hæſiones ſolvit, promover ſecretiones, craſin reſtituit. Tardum dictu! citiùs juvet, tutiùs anjucundiùs? Ut igitur inventa nova, nova ſunt mittendi ſanguinis argumenta; ſic inter Alterantia princeps eſt & primaria venæſectio. Venæſectioni affinis Purgatio, opus majoris prudentiæ, in quâ non ſolum ſpes habenda maxima, ſed etiam timor, quod & prodeſſe plurimum & obeſſe plurimum poſſit: hæc, illa imprimis ſi feliciter ceſſura, tempore idoneo uſurpanda, turgentibus ſuccis etiam in principio. Hippocraticâ *αρεξευκεανήσσι* diligenter adhibita, Medicum oportet non timide progredi, aſt generoſe: intereſt tamen non temerè incipere, ſæpèque in feſtinatione imprudentia. Turgentibus ſuccos non ita velina accipias quaſi efferum quid



aut petulcum quod velut cestro percitum, aut capræ salientis instar huc illuc sine lege feratur; absolum id & à Circuitûs legibus planè alienum. Orgasmi non una ratio, ἀνέμετος unus: hunc facit foverique Sanguinis malè subacti, sibi que nimium cohærentis impedita transmissio. Sic mole dum premit, æstu angit, hinc ἀλισμος ille non ferendus & α'σθ' terroris plena iteratâ venæsectione haud cessanter coërcenda: ναυπιάδης alter, hic vomendi libidine & quodam ventris desiderio sui significationem facit; hujus causa incumbens humorum pondus ventriculû & intestina gravans emetico αὐτίχα, aut quod tutius emetico cathartico haud cunctanter exturbandum. Quemadmodum enim ventriculo cibus oppleto si fortè inter coquendum μολύσις supervenerit, immane quantum inde turbatum, donec oborto vomitu, aut profusâ aluo vitiati cibi moles proruperit: ita ventriculo humorum copiâ obfesso cordis angustia, jugis anxietas, nec priùs cessat labor quàm vomitu aut citâ aluo fœda proluvis exeat. Alioquin sævienti Morbo non est Catharticis occurrendum, ne illum ipsa solatia irritent magis & accendant; ast ubi fibris jam laxioribus, cursuque sanguinis utcunque restituto tangi se fibrillæ sinunt, tractari se patitur humor. His legibus temperata Cathartica non uno titulo amplectenda, sordes eluunt, Acidum emendant, viscida resolvunt, incertum vacuando magis an alterando proficua. Fidem faciat fellea plerorumque vis & amaricans quæ bili congener & affinis vitalem succum erigit, Acidum dum infringit. De Ipecacuanha non semel observatum graves Dysenterias curasse nullo vomitu, nullâ dejectione: Suis tamen nec levibus stimulis instructa Cathartica, quorum aculeis in motus celeriores velut συμμαχία quâdam incitata partes sensiles Morbi paululum, hærentes in vasis minimis succos halitu cathartici jam semiliquatos premunt, exagitant, excutiunt. Viis hæc arte patentioribus factis, spes vitæ cum motu redit, quo renovato ventis & amne secundo cuncta fluunt, & cum virium robore firmatur Sanitas.

## V.

**F**ERE tamen Cathartica quas non inveniunt sordes faciunt, nec magis saburræ ullius evacuatione proficua, quàm eâ quâ pollent tenuandi alterandique virtute, succussu imprimis quo intestinorum glandulas & excernentia vasa succorum nexu non fermentationum fæculentiis impedita liberant, tergent. Sic fluxilior Sanguis arcana viarum facilè subit, vanescunt sine sensu caloris effluvia, nervos

alioquin ardore nimio læsura. Sanguinis fluxilitati par ubique va-  
 forum flexilitas, miro sanè contentu : ut enim Cor musculus est  
 ictu reciproco, Sanguinis genio ritè serviens, sic arteriæ fibris ceu  
 totidem musculis instructæ, veriùs dixerim, suum est cuique parti  
 cor, villo scilicet contractili ceu elatere proprio munita quæque pars,  
 à quo ut robur omne, sic & stringi facilè & remitti facilè potest, pro-  
 variâ sanguinis & humorum indole; stringi, si lenti, si difficiles, si  
 acriusculi succi, remitti, si tenues, si fluxiles, si temperati. Tanta est  
 huiusce consensionis vis atque proportio, ut vel minimo recessui par  
 strictionis modus statim respondeat; arctior non est stylum inter &  
 umbram nexus, consensuæ; hinc illi obices & repagula febrium  
 propria, hinc insidiosa illa irritamenta quæ vacuandi humoris spe-  
 cie ludunt Medicos, fallunt adstantes, interimunt ægrotos. Pur-  
 gantium leges quæris & alterantium modulum? ad hæc attende,  
 ne stimulando plus noceant & effervescentia, quàm vacuando  
 profint alterandoque, naturâ scilicet temperata cuncta & partes  
 & humores, ut à minus temperatis effervescent succi, partesque  
 convulsivè motæ statim resiliant. Falleris analogismo, si existimes  
 nullas ideò vigente febre secretionem fieri quòd fermentescente  
 plus æquo sanguine quasi in despumationem mox ituro, confusa  
 omnia, nec colis ullis separabilia. Nil habet sanguis cum musto  
 commune, succisve crudis ad fermentescendum pronis, nec per  
 salium luctas & certamina contingunt febres; in sanguine qui-  
 dem & succis ipsis, sed cum proprio, tum strictionis vitio passim  
 hærentibus quærendâ crasseos remora & secretionum impedi-  
 ta. Nec audiendi sunt illi qui ut pueris placeant & declamatio  
 fiant, sordentes aiunt succos detractio sanguine è primis viis in ve-  
 nas rapi velut exantlatione quâdam. Faciles nimium qui non  
 advertant per venæsectionem laxatis fibris, remissoque vasorum  
 excernentium elatere ita fieri cuncta ad fluendum paratiora, ut  
 vel sub ipsâ etiam detractioe sponte feratur alvus bonis ægri re-  
 bus. Taceo inesse bili quid viscidius minusque fluidum & facilè  
 adhærens quod lacteis impar crassiori chylo semel commixtum unâ  
 in fæces abeat necesse est, ut ster. à veteribus ritè sancitum, quo-  
 ties utriusque præsidii majoris æqualis occurrit necessitas, à venæ-  
 sectione toties auspicandum. Huic effato ritè concinit aureum  
 illud, corpora fluida facere oportet: vides qui ex hypothefi sa-  
 pis & consulis ignoratas quidem veteribus circuitus leges, at non

ignorata circuitus auxilia ; adeò efficacissimus Medicinæ magister usus. Fluida faciunt corpora fluxiles succi , flexiles tubuli : glandulæ in eum finem humido multo deobstruendæ. Conducibilis eo nomine largior potus , non quia temperat , sed quia diluit ; salubrius degunt qui largius bibunt. Increbruit hæc ætate aquæ calentis usus , plurium commodo , reverâ nil melius tutiusve diluit quàm aqua calida , potissimum sale quodam volatili oleoso sed nativo leviter armata , qualis est infusione herbæ Theæ : leviter dico , ne plus moveas. Salia ignem experta quia æstiosa , in hæc Biliosorum hominum , in hæc Hypochondriacorum segete molli suspensâque manu usurpanda , securiora cibus interdum partitum mixta , maximi est ad vitam momenti non excicari viscera , præstatque vias humoris ubertate apertas tenere. Hinc magna sanguinis pars & vis præcipua , serosus latex , qui dum copiosiore sui mixturâ succos diluit & circumvehit , eosdem mobiliiores & actuosiores reddit , inde fluiditas major , felicior secretio , verbo dicam , hæc illa est diluentium virtus & necessitas sanguinis motum tutò promovere. Sanguinis motu vita continetur atque adeò Sanitas , motu vario varii vitæ gradus ; motus hic si perennis futurus sit , tenuitate plurimâ , plurimâ fluxilitate opus , quò ingens succorum moles & varietas à concretionē tuta per vias oculis impervias trajici celeriter possit , hære nullibi. Sic ab unâ Sanguinis dote bonorum cumulus , & unius æstimatione omnium integritas vitiumve terminatur.

*Ergò quò fluxilior Sanguis eò sanitas firmior.*

Domini Doctores disputaturi.

M. Petrus Mavais.

M. Joannes Baptista Dodart,  
Serenissimi Ducis Aure-  
lianensium Medicus pri-  
marius.

M. Petrus Daquin , Medicus  
Regis ordinarius.

M. Carolus Contugi.

M. Franciscus Vernage ,  
Facultatis Decanus.

M. Philippus Douté.

M. Amandus Douté.

M. Joannes Cordelle.

M. Petrus Ton.

Proponebat Parisiis ANTONIUS PEPIN , Parisinus  
Baccalaureus Medicus. A. R. S. H. 1702.

Apud Viduam Francisci Muguet , Regis & Facultatis Medicinæ Typographi.